

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1807839950, 1807836152, 1807667510, 1807830295, 1807742454, 1807749667, 1807650675 որոշումները անփոփոխ, իսկ գանգատն առանց բավարարման թողնելու մասին

<<14>> 05 2018թ. 17-4-8806

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով քաղաքացի Գեղամ Աբրահամյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Գեղամ Աբրահամյանը 50434-18 դիմումով խնդրել է ճանապարհային ոստիկանության թիվ 1807839950, 1807836152, 1807667510, 1807830295, 1807742454, 1807749667, 1807650675 որոշումներով ամրագրված իրավախախտումները վերահասցեագրել իրեն:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Նյութերի ուսումնասիրության ընթացքում պարզվել է, որ Գեղամ Աբրահամյանը 12.12.2016-12.06.2017թթ. զրկված է եղել վարորդական իրավունքից և դիմումում նշված սերիայի և համարի վարորդական վկայականը համարվում է ուժը կորցրած փաստաթուղթ, ուստի վերը նշված իրավանորմով սահմանված կարգով՝ թիվ 1807839950, 1807836152, 1807667510, 1807830295, 1807742454, 1807749667, 1807650675 որոշումներով արձանագրված խախտումները Գեղամ Աբրահամյանի կողմից կատարված լինելու փաստն ապացուցված համարել հնարավոր չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807839950, 1807836152, 1807667510, 1807830295, 1807742454, 1807749667, 1807650675 որոշումները թողնել անփոփոխ, իսկ գանգատն՝ առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել Գեղամ Աբրահամյանին (հասցեն՝ ք. Երևան, Լուկաշինի 1 փ., տ. 26), ակտերի հասցեատեր Սևակ Արմենի Աբրահամյանին (հասցեն՝ ք. Երևան, գ. Դավթաշեն, 10 փ., տ. 1/10) և ՏՄՀԽԱ կենտրոն:

Կատարող Կ. Ղազարյան

Ե.Կարապետյան